


中華民國 109 年全國語文競賽試辦本土語文情境式演說題目

客家語學生組第 6 題

請將下面四格圖依照順序進行完整描述，務必在規定時間內完成。



•圖一：

青天白雲，天時當好，阿明牯个學校鬧熱煎煎，當多人呢，因為今晡日係一年一擺个運動會，阿明牯著等黃色个運動衫編號5號，準備愛出場比賽咧，佢心肝肚想：看佢再過打頭名哩啲。”砰”一聲，5个選手盡命牯煞猛走，逐儕都想得著第一名呢。

•圖二：

阿明牯正經當厲害啲，看等終點線就會到了，佢想：看佢个厲害，準備愛打頭名哩啲。

•圖三：

阿姆哀嘞，阿明牯嘎無細義跌倒了，哇！其他个選手一儕儕都逐過佢咧，企在邊脣个阿婆、阿爸、阿姆全部都大聲喊：阿明牯加油、阿明牯加油。

•圖四：

阿明牯忍等流血个脚，跋起來繼續走，所有个人都摀佢加油，雖然係最尾一名咧，佢還係堅持愛走到終點線，這種運動家个精神，實在還慶哦。佢乜愛摀佢學習，堵到困難个時節絕對毋好放忒，愛煞猛打拼，因為佢有客家人个硬頸精神啊。

•提問問題：

1. 請問你最好个運動係麼个？
2. 係講你在走相逐跌倒个時節，你會仰般做呢？